

Qallunaatuumiit kalaallisuunngortitaaq

Matumuuna Kuultisiorfiup Nalunap avatangiisinut inuiaqatigiinnullu sunniutissaanik nalunaarusiat pillugit Imarsiornermik Aqutsisoqarfiup oqaaseqaatai saqqummiunneqassapput. Erseqqissaatigineqassaaq Imarsiornermik Aqutsisoqarfiup oqaaseqaatiginiagai taamaallaat imarsiornermut imaanilu isumannaallisaanermut tunngassuteqassammata.

Inuiaqatigiinnut sunniutissat

Inuiaqatigiinnut Sunniutissanik Nalunaarusiaq taanna inuiaqatigiit nammassinnaasaannut tunngassuteqarpoq aammalu Imarsiornermik Aqutsisoqarfimmut toqqaannartumik attuumassuteqarani.

Immikkoortorli “sulinermi atugassarititaasut” eqqarsaatigalugit oqaatigineqarsinnaavoq angallatini atorineqartuni pissutsit Imarsiornermik Aqutsisoqarfiup nakkutigisassaannut ilaammata.

Tamanna ilaatigut immikkoortunut 1.4.4 aamma 7.5.1-mut attuumassuteqarsinnaapput Imarsiornermik Aqutsisoqarfik tamaani angallatinik misissuiartortussaattillugu. Aammattaaq sissami talittarfiliortoqarnissaa oqaatigineqarpoq. Talittarfiliorerit allallu pillugit Imarsiornermik Aqutsisoqarfik ilisimatinneqartussaavoq taamalu imaani angalasut tamatuminnga ilisimatinneqartarniassammata immallu assingi nutarterneqarsinnaaniassammata. Tassungalu ilanngullugu immikkoortumi 5.7.8-mi umiarsuit atorlugit assartuineq eqqaaneqarpoq. Tamatuma imaatigut angalanermi ajutoorfiusinnaasunik sukumiinerusumik nassuiaatigineqarnissaa naatsorsuutigineqarpoq.

Avatangiisinut sunniutissat

Imm. 3.6-mi Imarsiornermik Aqutsisoqarfiup nittartagaata innersuussutigineqarnissaa iluaqutaasinnaavoq – <https://www.soefartsstyrelsen.dk/sikkerhed-til-soes/arktis>, tassani imarsiornermi malittarisassat attuumassuteqarsinnaasut tamarmik nalunaarsorsimapput.

Immikkoortoq 3.6-imi titarnertaami kingullermi oqaatigineqarpoq Aatsitassalerinermi Avatangiisinik Aqutsisoqarfimmut Imarsiornermillu Aqutsisoqarfimmut imaani angalanermi isumannaallisaanermut tunngasut misissuiffigineqarnissaat isumaqatigiissutigineqarsimasoq. Kisiannili avatangiisinut nalunaarusiami imaani angalanermi isumannaallisaanermut sukumiinerusunik allaaserisaqartoqarsimangilaq. Taamaallaat imm. 5.7.8-mi kiisalu umiarsuit ajutoornerat pillugu imaani mingutsitsinermit tunngatillugu imm. 12.3-mi, imaatigut angalaneeq naatsumik eqqaaneqarsimavoq.

Imarsiornermik Aqutsisoqarfiup noqqaassutigissavaa tunngavissanik imarisassanillu siusinnerusukkut isumaqatigiissutigineqarsimasut naapertorlugit imaani ajutoorfiusinnaasunik nalilersuisoqassasoq. Tamatumunnga ilaatinneqassapput sumiiffiup eqqaani imaani uuttortaanerit aammalu ENC-mik nunap assiliornerit massaklutut pitsaassusillit Imaani ajutoorfiusinnaasunik nalilersuineq Nanortalimmut isaarissamiit aatsitassarsiorfimmi talittarfiup kangiaata tungaanut tunngassuteqassaaq. Siusinnerusukkut aatsitassarsiorfiusimasup imaani angalanermi ajutoorfiusinnaasunik nalilersuineri pisariaqarfiisigut nutarterlugit atoqqinneqarsinnaapput.

Imaani ajutoorfiusinnaasunik nalilersuinerup misissuataarneqarnissaa eqqarsaatigalugu aatsitassarsiorfiup ingerlalnissaa kingusinnerpaamik qaammatinik pingasunik sioqqullugu Imarsiornermik Aqutsisoqarfimmut nassiunneqarsimassaaq.

Inussiarnersumik inuulluaqqusilluta
Flemming S. Sørensen
Imarsiorneq pillugu siunnersorti

Imarsiornermik Aqutsisoqarfik
Imartat isumannaatsut
Dir. tlf.: 72 19 61 78
E-mail: fss@dma.dk



Tlf.: 72 19 60 00
Web: www.sofartsstyrelsen.dk

Følg os:



[Sofartsstyrelsen](https://www.linkedin.com/company/sofartsstyrelsen)